

holfen sin, Vmb den schaden der gewachsen ist von dez zehenden wegen ze Luſtnö¹³, / den Graf v̄lrich⁶ spricht daz im Graf albrecht⁷ vssrichten sōl, spricht Graf albrecht⁷ daz der pischoff von Cur¹⁴ vnd . . der von Halwil¹⁵ dar vmb vssgesait habin wan si es / ōch vormals vff si gesetzt hattent, dar vmb habin wir schidlūt gerett, daz die zwen herren Graf v̄lrich⁶ vnd Graf albrecht⁷ senden sont, zū den vff die sis vormals / saztent vnd ist daz si dar vmb vssgesait hand vnd si des baidenthalp vssrichtent, also sont sis ōch stāt hān, ist aber daz si dar vmb nit vssgesait hand, wenn sis / denn für v̄ns bringent so sōlin wir gewaltig sin si dar vmb zen minnen ald zem rechten ze richtend . . Vmb die Gūlt die Graf albrecht⁷ spricht daz in Graf v̄lrich⁶ / entledgon sōlt, ze veltkirch von Grauen hugs¹⁷ seligen wegen, habin wir ervarn an hern eberharden von Būrglon², an hern fridrichen vom Riēt⁴, vnd an hern Eglolfen dem ōmen¹⁶ / die vmb die selbe sache vormals mit andern erbern schidlūten, schidlūt warend, daz Graf albrecht⁷ gab Grauen v̄lrichen⁶ hundert pfunt costenzer pfenninge, daz er vssrichten / vnd gelten sōlt all die Gūlt, alle atzung, vnd alle giselschaft die von Grauen hugen¹⁷ seligen darkomen were, vnd solt Graf albrecht⁷ der gūlt aller ledig vnd vnansprāchig / sin, vnd wart da nit anders vssgenōmen wan velins wālters¹ Gūlt die man dem do solt, vnd die Gūlt die Graf albrecht⁷ vnd sin amptlūt hettint gemacht / die sōlt ōch Graf albrecht⁷ noch vssrichten Es gab ōch Graf albrecht⁷ in den ziten Grauen v̄lrichen⁶ vff . . dez alten ammans seligen kint vnd swaz von den iemer kunt / vnd waz Graf albrecht⁷ ander Lūt ze veltkirch hat āne dez alten ammans seligen kint vnd waz von den kunt, die selben lūt sont im dienen als ze veltkirch sitte vnd geuonlich / ist, Vnd wan wir vmb die sache v̄ns ervarn habind als vormals vnder den zwain herren do getādingot vnd gerett wart, da von dunkt v̄ns noch billich vnd / recht daz dem noch also sige. Vmb die ansprāch die Bōgli hat ze sprechenne an ain erb ze veltkirch, dunkt v̄ns recht daz im Graf v̄lrich⁶, vnd ander die in daran / irrent ain recht lāzzin widervarn vor dem Amman ze veltkirch. Vmb die ansprach die jāk der frünt¹⁸ hat hin ze etlichem gūt ze **vaducz** habin wir gesprochen daz / Graf v̄lrichs⁶ vnd Graf albrechts⁷ amptlūt dar zū sich fügen vnd machen sont, vnd sol man jāken frünt¹⁸ dar vmb ains rechten